



ՖՐԱՆՈՒԿՅԱՆ ԱԿՆԱՐԿՆԵՐ No 14

14.01.2021



Ընդունելության քննություններ

2020-2021 ուսումնական տարվա ընդունելությունն ընթացավ օնլայն ձևաչափով օգոստոս ամսին:

Թափուր տեղերի համար հայտարարվեց լրացուցիչ մրցույթ, որով անցկացվեց ընդունելության 2-րդ փուլը: Արդյունքում, «Ատամնատեխնիկական գործ» և «Խոհարարական գործ» մասնագիտություններում կուրսերը համալրվեցին ամբողջությամբ:



Այս տարի բացվեց նաև «Վարսավիրական գործ» մասնագիտության՝ հիմնական կրթության հիմքով կուրսը:

Կենտրոնի ուսանողական թիմը համալրվեց նոր և շնորհալի ուսանողներով:



Ուսուցչի տոն

2020 թվականին հոկտեմբերի 5-ը՝ Ուսուցչի տոնը, համընկավ հայ ժողովրդի համար ծանր պատերազմական ժամանակահատվածի հետ:

Հայոց սահմանին կանգնած էին մեր քաջ տղաները, իսկ թիկունքում՝ հայ կրթության շարունակականությունն ապահովող զինվորները՝ ուսուցիչները:



Ուսուցչի տոնը մեր օրերում, առավել քան երբևէ, կարևորվեց իր առաքելությամբ՝ կրթելու, դաստիարակելու, ուղղորդելու... Իսկ այդ պահին արդեն՝ ոգեշնչելու, հաղթականի ոգին ներդնելու յուրաքանչյուր սովորողի հոգում...



Մանկական զգեստների հավաքածու

Դերձակ 3-3 կուրսը ներկայացրեց մանկական զգեստների հավաքածուն՝ անհատական էսքիզներով, բամբակյա գործվածքից, համալրված գեղեցիկ արքեսուլարներով՝ պայուսակներով, գլխարկներով, զարդանախշերով: Այս ամենը հենված է ստեղծագործական երևակայության վրա. ուրախ տրամադրությունը գերիշխող է:



Ընդ որում, ուսանողներն իրենք են նախագծել, հետագայում կարելի տեքստիլ ներկերով նկարագարողել իրենց աշխատանքները՝ ստեղծելով ինքնատիպ հավաքածուներ: Իսկ ընտրված դասական, սպորտային, ժամանակակից ոճերն առավել արտահայտիչ են դարձրել դրանք՝ ընդգծելով առանձնահատկությունները:

Ուսանողուհիների կատարած աշխատանքը յուրօրինակ էր և գեղեցիկ:

Գործնական աշխատանքներ

Պահպանելով հակահամաճարակային կանոնները՝ ապագա խոհարարները գործնական աշխատանքներ են կատարում:



Այս անգամ նրանք պատրաստում են հավ՝ կարիի սոուսով, իսկ որպես աղանդեր՝ Շերտավոր տորթ և Շու:



«Հաղթելու» ենք շարքից...

Յույսն ու լավատեսությունը հայ ժողովրդին բնորոշ է եղել միշտ:

Այս պատերազմի ընթացքում, երբ ամեն մի բացվող օրը իր մեջ անորոշության, սպասման և խաղաղ ու հաղթական ավարտի հույս էր մատնանշում, կենտ-



րոնի ուսանողները սկսեցին ստեղծագործել՝ հավատալով և հույսներ շնչելով...

Ստեղծեցին տեսանյութեր, նամակներ ուղղեցին հայ զինվորին... Եվ բոլորի խորագիրը մեկն էր՝ «Հաղթելու ենք»...

Մենք ձեզ հետ ենք, արցախցին՝ ր...

Պատերազմական օրերին զինվորի, արցախցու, հայրենիքի համար ինչ-որ բան անելու և օգտակար լինելու ձգտումը ուսանողներին համախմբեց մեկ կարևոր գաղափարի շուրջ՝ օգնություն տրամադրել այն արցախցի ընտանիքներին, որոնք, հանգամանքներից ելնելով, ապաստան էին գտել ՂՂ-ում:



Մեծագույն սիրով պատրաստվեցին սննդի, հագուստի և գրեկական պիտույքների տուփեր՝ հասցնելու նրանց:

Դասախոսների և ուսանողների համագործակցությունը, պիտանի լինելու մեծագույն ցանկությունը դարձավ գեղեցիկ և կարևոր մի քայլ՝ ուղղված մեր հայրենակից արցախցիներին:



Հայրենիքի մեր պաշտպանը

Մարտի դաշտում նահատակված մեր սիրելի ուսանող Գարիկ Ավետիսյանը ևս իր կյանքը նվիրեց հայրենիքի պաշտպանության սուրբ գործին:



ՖՐԱՆՔԱ-ի ողջ անձնակազմը ցավում է այս ողբերգական կորստի համար և իր զորակցությունն է հայտնում Գարիկի ծնողներին, ընտանիքին և ընկերներին:

Փանջ Զեզ, հերոս տղա...

Այց Եռաբլուր

Հայ զինվորը չի պարտվում: Հայ զինվորը պայքարում է իր հայրենիքի համար մինչև վերջին շունչը: Հայ զինվորը մեր հպարտությունն է, պարծանքը, հաղթանակը:

Մեր խոնարհումը բոլոր անմահ հերոսներին: Ննջե՛ք խաղաղությամբ, եղբայրներ...

Փանջ ու պատիվ մեր բանակին:



Սիրելի՛ ժերարը...

Խորը վշտով տեղեկացանք «Ֆրանս-հայկական մասնագիտական ուսումնական կենտրոն»-ի հիմնադիր անդամ «Ռոն-Հայաստան-Կրթություն-Փոխանակումներ» ասոցիացիայի փոխնախագահ ժերար Ռեյդելի կյանքից հեռանալու մասին: Նվիրված, ընկերասեր ու կենսախիստ մի անձնավորություն...



Պարոն Ռեյդելն մշտապես իր աջակցությունն է ցուցաբերել կենտրոնին ստեղծման իսկ օրից, գտնվել է, մասնավորապես, կենտրոնի Կարի արհեստանոցի ստեղծման ակունքներում: Լինելով կարի մոդելավորման մասնագետ՝ նպաստել է կենտրոնում այս մասնագիտության ներդրմանն ու զարգացմանը:

Դերձակների թիմը անհամբերությամբ սպասում էր նրա գալու: Անչափ մեծահոգի, բայց գործում պահանջկոտ մարդն իր հետ խանդավառություն էր բերում «Կարի արտադրության տեխնոլոգիա» բաժնի ուսանողներին:

Թե՛ արհեստանոցները և թե՛ նախասրահը ժերար Ռեյդելի նախագծած ծրագրի պտուղներն են, որոնք իրականություն

են դարձել նորարարական գործունեություն ծավալող կազմակերպությունների ջանքերով:

2018 թ-ին Կրթության նախարարությունն ներկայացվեց նոր արհեստանոցներ ստեղծելու նրա վերջին նախագիծը: ՖՐԱՌԿ-ի ողջ անձնակազմը իր խորին շնորհակալությունն է հայտնում վերջինիս՝ հաստատությունում ունեցած մեծ ավանդի համար և ցավակցում նրա ընտանիքին:

Հանգչի՛ր խաղաղությամբ, սիրելի՛ ժերար:

ՖՐԱՌԿ-ը Ձմեռ պապ

Այս Նոր տարին ուրիշ էր... Այս բարդ, կորուստներով լի ժամանակաշրջանում հայ մարդու համար մի բան է մնացել անելու՝ ոտքի կանգնել և փորձել վերգտնել ուժերը՝ զալիք տարում կրկին վերընձյուղվելու և առաջ շարժվելու համար:

Իսկ այս պահին մնում է միայն խոնարիվել մեր հերոսների հիշատակների առաջ՝ փորձելով գեթ նրանց ընտանիքներին գորավիզ լինել:



ՖՐԱՌԿ-ի ուսանողական և դասախոսական անձնակազմը ամանորյա տոներին ընդառաջ՝ «Գաղտնի Սանտա» նախաձեռնող խմբի աջակցությամբ փորձեց դառնալ «Ձմեռ պապ» մեր հայրենիքի համար նահատակված և վիրավորված զինվորների բալիկների համար:

Երբևէ այդքան մեծ պատասխանատվությամբ և հուզմունքով ուսանողները չէին պատրաստվել ամանորյա որևէ միջոցառման, ինչպես այս անգամ...

Խնամքով, սիրով և մեծագույն հարգանքով ուսանողներն ու դասախոսներն ընտրեցին նվերները, ձևավորեցին, գրեցին Սանտայի կողմից բացիկներ՝ ուղղված այդքան թանկագին «թռուհիկներին»...

Արմավիրի, Լոռիի, Վայոց ձորի մարզեր գնացին Ձմեռ պապի ֆիմուլյան պատվիրակները... Այդ ընտանիքների ընդունելությունն ու հուզմունքը, այդ բալիկների՝ հրաշքին սպասող հայացքները և ուրախությունը, հիրավի, լցրեցին մեր սրտերը բերկրանքով՝ պարուրված մեղմ թախիծով:

Խոնարիվում ենք մեր անմահացած հերոսների հիշատակների առաջ...

